

Hocouh: Banh Aen Hozdung Daih Lienz-vuen Eufwen Beixnuengx Yauzcuz

贺州：举办瑶族同胞山歌大联欢活动

6 nyied 21 hauh doengxhaemh, Hocouh Si bi 2018 Vahyauz eufuen daih lienzvuen hozdung youq Cauhbingz Yen giz Yauzcuz comzyouq Cauhbingz Cin Lungzdanx Cunh gawjhengz. Ngoenz haenx, gyoengq canghfwen ndawbiengz daenj buhmoq vaqmoq minzcuz dwk daj aen yienh neix Fuloz Cin、Vwnzcuz Cin caeuq Fuconh Yauzcuz Swciyen Mwzlingj Cin, Cunghsanh Yen Vasanx Yauzcuz Yangx、Liengjanx Yauzcuz Yangx daengj nem Bazbu Gih Vangzdung Yauzcuz Yangx daeuj haenx, daihgya angqyangz comz youq giz ndeu, aeu fwen ma gyau youx, caez danq cingzngaih.

Ciuq cam rox, mbat hozdung neix dwg aen yienh neix angqhoh Swcigh laebbaenz 60 hopbi vwnzva hozdung ndawde aen ndeu.

(Hoz Vazlanx/何华兰)

► Eu fwen gyau youx, caez danq cingzngaih.



Yungzsuij: Ndaem Maklanzmeiz Daeg-saek Bangcoh Vutgungz Baenzfouq

融水：特色蓝莓种植 助力脱贫致富

Yungzsuij Myauzcuz Swciyen Bwzyinz Yangx Gauhlanx Cunh Huz Suhyi 5 bi gonq dauqma ranzmbanj cauhnieb, cungfaen leihyungh gij vanzging ndei diegyouq ranzmbanj haijbaz sang vanzging yenzswngxdai haenx, doenggvaq fuengsik baudieg cujciz dangdieg vunzlai 30 lai hoh laebbaenz le Lanzasnhmung Lanzmeiz Hozcozse, ndaem maklanzmeiz 1380 moux. Bineix daengz seiz fungsou, canjlieng yawhsuenq ndaej dabdaengz 10 fanh gaen, daiqdoengh hoh gungzhoj goj ndaej demsou 8000 maenz doxhwnj.

(Siz Fungh/石峰)



▲ Hozcozse bouxfucwz Huz Suzyi youq ndaw gihdi mbaetsou maklanzmeiz.



▲ “Vwnzyi ginghgizbingh” bae gihcwngz camnai yienjheiq yienhciengz.

Gunghcwngz:

“Vwnzyi Ginghgizbingh” Gihcwngz Veivwn Yienjok Bangcoh Vutgungz

恭城：“文艺轻骑兵”基层慰问演出助力脱贫

6 nyied 23 hauh doengxhaemh, Gunghcwngz Yauzcuz Swciyen youq aen yienh neix Yinzminx Veidanz banh aen hozdung yienjok camnai byaij gihcwngz banggunz lijyouz “sim sienggingeix Gvangsiah gyaeu youq Gunghcwngz”, gyoengq yenjyenz daj Gvangsiah Lijyouz Hezvei Yisuzdonz daeuj haenx bae daengz gihcwngz mbanj Yauzcuz byaijdoengh camnai, aeu hingzsik “vwnzyi ginghgizbingh” ma bangcoh doidoengh vutgungz.

(Cwng Ciminj/郑智敏)

Luzcai: Lingzcih Fungsou Vunz Angqyangz

鹿寨：灵芝丰收喜煞人



▲ Ndaem lingzcih fungsou ndaej fat-caiz, gyoengq vunzlai angq sou lingzcih.

6 nyied 22 hauh, Luzcai Yen Lahgouh Yangx Dabingz Cunh Mbanj Cungzbau vunzlai Yauzcuz cingq sou lingzcih. Dabingz Cunh daihlig hwngfat ginghci laj gofaex, byaij ok le diuz loh vutgungz baenzfouq he, bineix, aen mbanj neix gyoengq vunzlai youq laj gofaex ndaem lingzcih 21 fanh bog, lingzcih cungcanjiz 2100 fanh maenz. Ciengzmienh fungsou lingzcih ngad rim gwnz namh haenx hawj gyoengq vunzlai sim' angq dangqmaz.

(Lai Genveih/赖建辉 Cwnz Siu/陈笑)